

յում էի նրանց ծամերին, որ երկայն, հաստ հիւսերով թափոել էին թիկունքի վրայ, գլխներին դրած արախչիների տակից: Բայց այժմ այնքան մուլն էր, որ ստուգել չկարողացայ, արդեօք դեռեւս կայի՞ն նրանց սեւ գիսակների մէջ ճերմակ մազեր: Արախչիների վրայ այնքան խիտ եւ միմեանց մօտ դրամներ էին կարած, որ արծաթեայ թասի ձեւ էին ստացել:

Ասլանը ցոյց տոեց եւ Շամիրամայ հռչակաւոր գետը, որի ամրակառոյց եւ վիթխարի ամբարտակների մասին խօսում է հորենացին: Թէ հին ժամանակներում ինչպէ՞ս էր կոչւում, ես չգիտեմ, իսկ այժմ Սար-բուլախ (աղբիւրի ակն կամ գլուխ) կոչուած մեծ լեռան ստորոտի ժայռերը մինչեւ տասն տեղ պատամելով, այնտեղից դուրս բերեց մեծագոյն թագուհին լեռան սրտումը ամբարոած ջուրը եւ, արհեստական առոակով, որի երկարութիւնը մինչեւ տասնեւիկնգ մղոն տարածութիւն ունի: Հայոց-ծորի միջով բերեց գետը եւ հասցրեց մինչեւ Արտամեղ: Այստեղ ճիւղաւորւում է Նա եւ ոռոգում է Արտամեղի լայնատարած այգիներն ու անդաստանները եւ, դարձեալ միանալով, ամրակում քարակերտ ամբարտակների վրայով, ահագին գոռում-գոչումով անցնում է եւ գնում է դէպի Վան քաղաքը՝ ոռոգելու Այգեստանի այգիները:

Արտաշէս Բ-ից քսանեւերկու դար առաջ Արտամեղը եղել է Շամիրամի գբօսավայրը: Արայի հետ ունեցած սիրային անյաջող կռոից յետոյ հեշտասեր թագուհին, այստեղ, Արտամեղի հովանոցներում ու բուրաստաններում, հայոց իշխանագուն երիտասարդների հետ էր լրացնում այն սերը, որ Նա սպասում էր Արայից: Նա հրապուրում էր երիտասարդներին այն հուլունքներով, որոնց շարքը, իբրեւ մանեակ, կրում էր պարանոցին, եւ որոնք ունէին կախարդական զօրութիւն: Հայոց ծերունի Նահապետներից մէկը մտածեց ազատել թեթեւամիտ երիտասարդներին թագուհու մոլորութիւններից եւ, միեւնոյն ժամանակ, թագուհուն զինաթափ անել երիտասարդներին դիւթելու հնարքներից: Մի անգամ թագուհին լողանում էր իր բուրաստանի մարմարոնեայ աւազանում, եւ մարգարտացող ջուրը բարձր շատրոաններից ցողում էր նրա ախտաբորբոք մարմինը: Նրա հագուստը, նրա զարդարանքները, որոնց թւում եւ կախարդական հուլունքները՝ դրած էին աւազանի մօտ, վարդենիների հովանիի տակ, կանաչ խոտերի վրայ: Թագուհին, գիսակների երկար հիւսերը արձակած, սանրւում էր: Այդ միջոցին գաղտագողի կերպով մօտեցաւ ծերունի Նահապետը եւ, իմանալով, որ թագուհու հրապուրանքների բոլոր գաղտնիքը հուլունքների մէջն է, խլեց մանեակը, սկսեց փախչել դէպի ծովը: Չայրացած թագուհին, այնպէս հերարձակ, վազեց ծերունու ետեւից: Երբ չկարողացաւ հասնել, իր անհնարին կատաղութեան